

粉齋歷記

陣險

一



民國七年陰歷四月出版



粉陣歷險記

第一集

定價三角

著者 別有懷抱人

發行者 小說彙社

印刷者 愛文義路五十五號 友社

總發行所 小說彙社

總經理處 棋盤街交通圖書館

分售處 蘇州交通圖書館

外埠分售處

(甯波) 文明學社
(南京) 共和書局
(開封) 百城書館
(廣東) 林記書棧
(紹興) 教育館
(北京) 鴻文齋
(北京) 龍文閣
(天津) 新華書局

警世小說

粉陣歷險記卷之一

編者別有懷抱人

第一章

從來地方愈文明。愈繁華。則其風俗人心。必愈醒。齷齪黑暗。而且愈見其野蠻。諸君不信。不必遠徵英之倫敦。法之巴黎。但以我國上海租界一隅而論。方圓不過十數里。人口不過百數萬。然而日則車水馬龍。游人駢遞。夜則電燈燦爛。針芥毋遺。街頭里口。明捕暗探。分班邏察。防範之嚴。可謂已達極點。宜乎整肅清平。居此土者。人人可以安居樂業。無些微危險之憂。豈知宵小橫行。案情百出。其中姦盜邪淫。謀財害命之事。日必數起。雖有極嚴厲之租界章程。亦且徒具虛文。不能發生效力。一聽彼等魑魅魍魎。日出沒於光天化日之下。以肆其吞噬愚民之技倆。竟使此文明而又繁華之商埠。遂變爲罪惡滔天之黑暗世界矣。於是受其害者。傾家蕩產者有之。喪身敗行者

有之。昔日之豪紳富宦。今已淪入輿儻。昔日之王孫公子。今已變爲癆。三。昔日之黃花閨女。白璧貞姬。今則不爲滄牌。卽爲拆白噫。道高一尺。魔高一丈。誰信文明繁盛之區。其風俗之敗壞。流品之汙下。有如此者。此不得不歸咎於我國教育之不良。有以致之也。國家既無適當之教育。則社會安有安寧之秩序。人民安有清潔之品性。於是。有家庭者。舍正室而別戀。路柳牆花。有職業者。棄正務而專求乎營私作僞。彼一般游蕩之徒。不良之輩。到處成羣。結黨設阱。陷人游民也。倡妓也。賭徒也。騙匪也。男女拆白黨也。亂人之拆梢也。警探之栽贓也。假冒黨人之嚇詐也。無不應有盡有。醫集一隅。甚且上流社會中。亦不乏巧詐之徒。或藉慈善爲名。乾沒人之捐款。或假興學爲由。誑騙人之金錢。其極不堪者。往往以高級官長著名巨紳。亦且私設總會。引誘大家子弟入局賭博。彼則做成圈套。以行其翻戲之局。驅不至傾人之家。

蕩人之產。而不已。種種黑幕。罄竹難書。吾書中之主人翁。不但爲當日受害者之一。且本其一身之經歷。可謂無味不嘗。數百萬之家財。一敗塗地。十餘口之眷屬。寸草不留。及至醒悟。悔已嫌遲。誠上海黑幕中之最可傷心痛恨者也。旅居無事。將其事跡。一一撫而書之。以爲海上同胞。作燃犀之照焉。

金小雲者。粵人也。其先世以營商致富。自吾通商以後。上海爲商埠中之巨擘。租界成立。市場日闢。烟波沙積之區。忽一變而爲錦繡繁華之地。東西各國商人。僑居來滬者。年盛一年。地勢既占優勝。而交通尤復便利。以故萬商雲集。凡各省多財善賈之輩。初猶隻身遠蒞。以覓蠅頭之利。繼且移家泛宅。永作寓公。小雲之祖若父。亦於前清咸同時。因避洪氏之禍。合家來申。賃宅數椽。安置眷屬。嗣出其囊金。以經營商業。其時出口貨物。以絲茶爲大宗。其祖某遂專以收囤茶絲往來漢口銷售。正獲財運大享。無不利市十倍不數。

年間已坐擁百餘萬。厚貲面團。團作富翁矣。其祖物故後。雲父雲甫善守成。擴充其父營業。勤勤懇懇。昕夕不遑。申漢各埠。茶棧絲號。分立有數十處之多。而雲甫又粗衣糲食。自奉至嗇。平常一年中。於銷貨期旺及結束帳款時。必親往進出重要各分店。監督稽查。雖緇銖之微。必斤斤較量。不肯有所遺漏。其餘輕小之地。爲彼所不及親往者。亦必簡派平日親信之夥代彼檢查。所以繼續廿餘年。盈餘之利。又數倍其祖國內業。此之人。雖亦間有贏利。然以之較金。不啻有大小巫之別。惟雲甫生性吝嗇。祇圖一己之豐足。家資雖有數百萬。而平日對於交際中。雖戚友店夥有求助者。彼亦不肯拔一毛以通融。苟有以積德裕後。諷者。彼必嗤嗤以鼻曰。世界惟己身不能溫飽。而必有求於人者。乃不能顧其後。若予則父子兩代。各以一己之能力。積得偌大之資財。無論子孫如何敗壞。亦不至有凍餒之虞。若不惜己財。遇人慷慨而。

施將何以遺子孫。故我之不助人，正爲自己子孫地。人生祇積財耳，何用積福爲。

嗟夫。刻薄成家。理無久享。此語非閱歷深世故明者不能道。隻字世上幹蠱子。跨竈兒曾聞有幾。若夫犂牛之子。驛而且角者。尤非有特殊之鍾毓。不能得彼吝嗇刻薄之金雲甫。乃謂區區數百萬家財。卽足以貽惠子孫。保無凍餒。是誠一卑鄙市儈之口吻耳。況夫雲甫自結婚後。其妻梁氏。屢屢不育。直至年屆不惑以後。始連舉四女一男。男卽小雲。小雲居次。最幼。其誕生之年。正雲甫夫婦五十初度之辰。暮年得子。萬分欣慰。以爲從此一分大財產。不患無繼續人。故珍視小雲有如拱璧。於是洗朝之日。遍發請帖。湯餅筵開。親朋集賀。頌聲盈耳。喜氣盈門。雲甫觀之。笑口大開。非常得意。恐其妻年事已衰。不勝乳哺之勞。乃遍覓年輕貌秀乳水充足之乳娘。以撫護其子。平日金

澆玉裏極意裝飾侈奢之習無異王侯家世子以與彼之粗衣糲食相提並論形色上之貧富相去何止倍蓰使小雲而真有跨竈之質則亦不枉其父曲意愛憐之心卽不然長大成人能效其父之勤儉成家尙足以應彼老牛積財遺後之悖言豈知小雲固生成一副敗家骨頭也襁褓之中尙不有若何靈蠢之表示一屆呀呀學語之時乃覺天資蠢鈍異常可決其無大出息然彼父若母則愛憐仍如故也且以爲孩提之時原不欲過於聰穎則長大後定能得穩重之品性但求生子而能穩重庶無虞不能保守門戶而成一克家令子焉此金小雲幼稚時代歷史之經過有如此

韶光如駛年復一年小雲已脫離懷抱屆七歲矣此七年中其父營業亦隨小雲之歲月日盛一日正如當午之日達其極度咸謂其父之佳運皆得小雲命宮之帮扶於是其父若母之愛小雲亦達其極度然小雲之蠢鈍如故

也。蠹。鈍。之。外。且。加。以。頑。皮。終。日。吵。吃。開。穿。粘。糊。無。厭。家。人。稍。不。順。其。意。則。神。嚎。鬼。哭。滿。地。翻。滾。必。事。事。依。順。而。後。已。其。父。母。非。但。不。敢。稍。加。呵。責。反。遷。怒。於。婢。僕。之。伺。候。不。週。而。更。負。氣。縱。容。之。任。其。撒。賴。嗣。後。家。中。人。無。敢。再。拂。其。性。者。在。表。面。視。之。金。氏。之。家。運。似。乎。方。興。未。艾。不。知。彼。塞。阨。之。機。已。早。伏。於。小。雲。呱呱。墜。地。之。時。今。且。如。方。春。之。草。潛。滋。暗。長。專。待。東。風。一。至。立。是。怒。發。耳。是。年。之。秋。上。海。盛。行。一。種。流。行。病。卽。霍。亂。吐。瀉。患。者。醫。藥。失。治。卽。至。不。救。平。時。小。雲。之。父。自。行。中。歸。夜。膳。後。例。與。家。人。坐。話。一。二。時。然。後。就。寢。某。夕。歸。來。飯。畢。循。例。笑。談。且。查。問。小。雲。近。來。皮。頑。之。性。可。能。略。改。並。與。其。妻。商。論。小。雲。年。齒。漸。長。明。年。當。爲。之。延。師。開。蒙。我。輩。商。家。子。弟。雖。不。必。讀。遍。五。車。然。亦。宜。略。明。文。義。庶。足。傳。授。衣。鉢。人。之。將。死。其。言。也。善。雲。甫。之。謂。矣。我。已。半。百。將。衰。他。日。萬。一。不。測。豈。知。卽。在。日。前。惟。此。一。塊。肉。希。望。其。能。頂。立。門。

戶紹我箕裘（豈知全仗令郎送得精光）故不可再遲任其嬉游矣。其母聞言亦表同情。不料是夕夜半。雲甫忽染霍亂之症。吐瀉交作。腹痛如絞。合家上下。無不驚惶失措。急派人四出延醫。迨醫生至而雲甫已筋攣汗脫。一命垂危。醫生咸謂此係時疫。來勢太猛。藥力一時恐難見效。強爲配藥灌治。已格格不能下咽。諸醫皆束手無法。各自散去。不數分鐘。病者汗如雨下。神色遽變。其妻覩狀。知已不妙。率其子女。竭聲呼叫。斯時雲甫已口不能言。第轉其將散之目光。斜注小雲。口唇翕張。作欲語狀。其妻知其意。急推小雲至牀前。告其夫曰。小雲在此。君有何遺命。望吩咐可也。則見雲甫微搖其首。竭力翕動其唇。曰。勿……勿……勿兩眼一插。雙足一登。竟捨此數百萬家財。與老妻愛子而去。

長江後浪推前浪。一代新人接舊人。天下事有種因者。有收果者。有種因於

數。十。百。年。之。前。而。收。果。於。數。十。百。年。以。後。者。有。現。身。種。因。而。現。身。收。果。者。作。者。幼。時。曾。於。某。廟。見。有。長。聯。一。副。上。云。爲。惡。不。滅。祖。宗。有。餘。德。德。盡。必。滅。下。云。爲。善。不。昌。祖。宗。有。餘。殃。殃。盡。必。昌。雖。屬。迷。信。之。言。然。而。確。有。見。地。確。有。至。理。未。可。厚。非。也。觀。夫。五。千。年。來。我。國。之。歷。史。與。失。稗。官。野。乘。父。老。傳。言。其。間。時。有。所。謂。以。忠。正。之。人。而。遭。災。禍。以。奸。回。之。輩。而。享。幸。福。者。一。時。禍。福。入。固。莫。不。或。惜。或。憤。歸。之。於。命。運。誰。復。推。究。其。已。往。逆。定。其。將。來。人。壽。幾。何。安。有。此。不。死。人。永。留。世。界。爲。此。庸。庸。衆。衆。一。研。究。其。過。去。未。來。之。因。果。然。而。有。因。必。有。果。種。善。因。得。善。果。種。惡。因。得。惡。果。今。日。世。界。文。明。科。學。進。步。舉。凡。舊。時。迷。信。之。黑。幕。靡。不。一。一。揭。破。而。獨。於。因。果。二。字。則。咸。以。爲。實。有。其。理。奉。之。如。金。科。玉。律。而。不。受。天。演。之。淘。汰。非。因。果。二。字。之。獨。幸。也。蓋。世。界。萬。事。萬。物。無。論。其。若。何。變。化。若。何。遞。嬗。其。始。終。得。失。終。不。能。出。此。二。字。範。圍。之。外。也。其。偶。

有爲世人所不能根究者。乃世人自無此長壽耳。於二字何尤哉。小雲之祖若父。始終一商人耳。平日行爲。既非巨姦大慝。窮凶極惡之人。天又何苦令彼生一不肖之兒孫。以覆滅其數十年辛苦得來之汗血錢。終且落人譏笑。謂小雲之墜落。皆其祖若父生平必有隱惡。而以洩諸小雲一人之身。誰又深源挾始。以窮究其先世之根株。以爲彼二人諒其實彼祖若父。除於商業往來中。錙珠必較。而外並無何種不正之行爲。何乃遭此惡報。此事誠屬疑問。然吾書中之目的。物。僅在演述小雲一生不幸之事跡。他可毋庸贅敘。故對此疑問。大可置之不必深究。卽所謂因果二字。亦可作諸科學家之研究。而不必余之嘵嘵吾書。今當入小雲正傳矣。諸君不厭試聽我。一一道來。

雲甫既歿。並無同族行輩在申。故其家產經理權。除上海總號及各埠分號。仍由原有經理人負出納買賣之責。年終以結束之盈耗。報告承受之小主。

人由其母飭令總管將全部應收應付之款分別支存外其餘財產均歸其母一手執掌小雲四姊長萍姑次藕姑三蓮姑四蓉姑皆有姿色尙各待字閨中同爲其母所珍愛雲甫逝世之次年梁氏卽遵其成命延聘西席教授子女已則主持家政調度產業亦頗井井惟其溺愛小雲有加無已而小雲則名爲就學實則終足跡未嘗一近書房之門非與家人小厮尋淘閒氣卽與大姐娘姨糾纏不清雖彼哺乳之乳娘亦必一刻不離追逐而與之嬉戲則此一日中猶不至有極端之滋擾否則哭鬧跳號全室爲之不甯如是者又歷數年在小雲則頑皮如故毫無進步在教習則坐享束脩膳食之供養而四女轉遠勝其弟已能粗通字義小雲於此數年中不過略識之無偶爾願意乃至書房稍坐一二時手弄書中篇頁而扯之使片片作蝴蝶舞厭心一起卽拔步狂奔而出以尋其自由之生活去矣此小雲上學時代之種種

笑柄也。

漏屋更遭連夜雨。破船偏遇打頭風。橫逆之來一若與背。連人故意宣戰。小雲之父歿未數年。千斤重擔全賴其母支持。試思以一婦女而處理偌大之產業。如許之店務。經手人固否。涓滴歸公。不至從中舞弊。姑且不論。而數載之中。盈虧相抵。每年仍有若干萬之進益。卽此一端已足徵其母之賢能。而人亦且以厚意報之。不欺騙此孤兒寡婦。況小雲既少不更事。而四女又嬌小無能。絲毫不能相助。其母是以梁氏自喪。所天獨力支撐。門戶憂勞並積。早以虛弱釀成。有如風中之燭。搖搖欲滅。偶冒風寒。竟至大漸。雖經延醫服藥。毫不見效。梁氏自知病將不起。心念小雲沖幼。又懵然不識世故。則已一朝溘逝。此六尺藐孤。又將誰托。卽彼掌珠四人亦失保護。而男婚女嫁將來。究鮮主持之人。輾轉籌思。一無得當。乃命總管傳命請到總行經理舊夥王

重義。以小雲托之。並命總管繕就委任信據一紙。將各埠分行之調查帳目。支存款項之權。均歸王夥一手經理。在每年盈餘總數中。提若干成爲彼酬勞。另撥若干成作爲分惠總支各行中之夥友。以爲遺念。並召集小雲姊妹。至病榻前。告以已將店事重托王掌櫃。家中如有重要之事。亦托其照拂。以後汝等男子當努力讀書。女子須勤操家務。內外婢僕宜認真督率。不寬不嚴。老用之人尤宜厚待。不可時時更易。小雲年已十五。應早爲之完娶。庶內政有人。免生他虞。姊妹四人亦當遇有門戶相當之家。速行婚配。種種應行之事。我原早已慮及。惟自謂年未衰老。來日尙多。正可逐漸料理。若過匆促。深恐或有疎誤。非昏瞶糊塗置之不問也不意。天年不假。一病垂危。未了之願。今惟托之王掌櫃。念兩世交情。爲我家。育托孤大任。汝等此後當事。事聽王掌櫃指示。王掌櫃素來忠直。決不忍坐視汝等孤露無依。受人欺侮。且我

死之後終七後。卽令小雲每日赴行學習數時。亦托掌櫃教以商家必需之知識。日後可以承替父業。勿作浪蕩子也。語畢。傷心之淚。早纍纍奪眶而出。四女皆俯伏床頭。掩面痛哭。王掌櫃亦敬立床側。默聽梁氏遺囑。不自知其老淚垂垂也。至是乃拭淚進勸曰。世嫂母出此不祥之言。吉人天相。病勢可望轉機。卽有不諱。老朽不才。亦當我天良爲世兄等輔理一切。不使稍受委屈。以報貴府兩世知遇之德。世嫂宜寬心靜攝。勿過憂慮。於是退身而出。仍赴行中理事。時獨小雲一人。自爲其母召彼入室。以後身雖與乃姊等同立床頭。而其心則尙神馳於一班奴婢之間。是以其母滔滔不絕。臨危授命之詞。彼實秋風過耳。未聞一字。母病已危。而彼尙以爲不過如平常微疾。臥養數日。卽可霍然而起。及見諸姊同聲啜泣。猶莫名其妙。呆呆癡立。狀若木鷄。心中尙未明彼母姊與王掌櫃等何故而傷心。若此枯立數時。無異幽囚獄。

底不得自由。故王老一退。彼亦乘機溜出。仍與諸女婢自尋玩笑。而去。梁氏見狀復慘然。謂諸女曰。汝弟年已成。人猶復童騃。若此。金氏前途大可危殆。我惟願望爲彼早日娶婦。或者子替孫振。他日猶有一線之希望。我且願汝輩亦早諧姻事。各得佳偶。早離此間。一日卽少受一日之煩惱。但望汝輩謹守女德。勿貽泉下父母羞。若小雲則我自恨平素不明。過於溺愛。遂令小子已成朽木之難雕。今已後悔不及。梁氏語至此。不覺發聲長歎。瞑目不語。從此梁氏之病日重。一日醫禱俱窮。王掌櫃日至其家料理身後諸事。一切粗備。而梁氏亦與世長辭矣。

第二章

創始易守成難。夫天下事之難熟。有難於創始之時。然正惟其難。故人於作事之始。惟恐其難成。遂不憚盡其心力。竭其智慮。百折不回。犧牲一身以赴。